

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) a u vezi sa članom 11. stav (9). Zakona o osnovnoj školi („Službene novine Zeničko-dobojskog kantona“, broj: 3/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 1. sjednici, održanoj dana 10.04.2019. godine, d o n o s i

ZAKLJUČAK

I.

Daje se saglasnost, na Odluku Školskog odbora Javne ustanove Osnovna škola „Ahmed Muradbegović“ Kakanj, broj: 43-1/19 od 28.01.2019. godine, o ustupanju školskog zemljišta oko stare škole, ukupne površine 4589 m², na parceli k.č. 1209, upisano u Posjedovni list, broj: 138, naziva Gromile, KO Tičići, za potrebe izgradnje vjerskog objekta, u skladu sa Mišljenjem Kantonalnog pravobranilaštva, broj: M-7/19 od 20.02.2019. godine, a koje se prilaže uz ovaj zaključak i smatra njegovim sastavnim dijelom.

II.

Obavezuje se menadžment Javne ustanove Osnovna škola „Ahmed Muradbegović“ Kakanj, da realizaciju poslova i zadataka iz tačke I ovog zaključka, izvrši u skladu sa odgovarajućim odlukama-saglasnostima nadležnih organa škole i Ministarstva obrazovanja, nauke, kulture i sporta Zeničko-dobojskog kantona i to na način da se predmetno zemljište ustupi neposrednom pogodbom za potrebe džamije kao objekta vjerske zajednice, pod uslovom da se time ne ugrožava proces odgoja i obrazovanja, odnosno planovi rada same škole kao javne ustanove, u skladu sa Zakonom o osnovnoj školi, propisanim Pedagoškim standardima i drugim podzakonskim propisima i aktima iz ove oblasti.

III.

Zaključak stupa na snagu danom donošenja.

Broj: 02-_____ /19

Datum, 10.04.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za obrazovanje, nauku, kulturu i sport,

1x JU Osnovna škola „Ahmed Muradbegović“ Kakanj,

1x a/a.

Obrazloženje

Pravni osnov:

Na osnovu člana 16. stav (4). Zakona o Vladi Zeničko-dobojskog kantona – Prečišćeni tekst („Službene novine Zeničko–dobojskog kantona“, broj: 7/10), a u vezi sa članom 11. stav (9). Zakona o osnovnoj školi („Službene novine Zeničko-dobojskog kantona“, broj: 3/18), kojim se utvrđuju stavovi o pitanjima od značaja za sprovođenje utvrđene politike, odnosno, određuju zadaci kantonalnih organa uprave.

Razlozi za donošenje:

Školski odbor JU Osnovne škole „Ahmed Muradbegović“ Kakanj je, na svojoj redovnoj sjednici od 28.01.2019. godine, nakon razmatranja pristiglog Zahtjeva od Medžlisa IZ Kakanj, broj: 6/19, od 23.01.2019. godine, za dodjelu zemljišta za potrebe izgradnje vjerskog objekta, a koje se nalazi u vlasništvu škole, ukupne površine 4589 m², na parceli k.č. 1209, upisano u Posjedovni list, broj: 138, naziva Gromile, KO Tičići, **donio Odluku, broj: 43-1/19**, da se uputi Zahtjev za traženje mišljenja prema Ministarstvu za obrazovanje, nauku, kulturu i sport Zeničko-dobojskog kantona i Kantonalnom pravobranilaštvu Zenica o daljem postupanju.

Nakon pribavljanja predmetne dokumentacije, kao i Mišljenja Kantonalnog pravobranilaštva Zenica, broj: M-7/19, od 20.02.2019. godine, Resorno ministarstvo je pripremilo Prijedlog zaključka za Vladu Kantona kao predstavnika osnivača osnovnih škola kao javnih obrazovnih ustanova u državnoj svojini.

Finansijski pokazatelji:

Realizacijom ovog zaključka neće biti dodatnih zahvatanja u odnosu na planirana sredstva u Budžetu Zeničko-dobojskog kantona za 2019. godinu.

Uzimajući u obzir sve navedene činjenice molimo Vladu Zeničko-dobojskog kantona da se očituje o ovom Prijedlogu zaključka.